

Segunda carta de San Juan

Mame rotire meje ña gãmeri ti maire, yire gaye

¹Yũ ña bũcũgũ Juan. Ōmi, adi papera mure meni ĩsia yũ. Mũ ña Dios ĩ besero, ito yicõri Diore masigõ ña mũ. Adi papera mũ rĩare cũni cõa yũ. Mũare maisacõa yũ. Yũ sīgũ meje mũare maia. Gãjerã Jesure masirã cũni mũare maiama. ²Riojo gotigũ, gũa ya ʁsijũ ĩ ñajare mũare maisacõa gũa. Mani rãca ñatĩñagũ yigũiji ĩ. ³Mani Jacũ Dios, ito yicõri ĩ Macũ Jesucristo, queno yirã yirãji manire. Manire ti mairã yirãji ĩna. Mani ya ʁsijũ queno mani tũoĩaroca yirã yirãji ĩna. Ito bajiri manire bũto mairã ñama ĩna.

⁴Mũa rĩa coriarãre tisotia yũ adojũ. Queno eja yũre, Jesure ĩna tũoja, mani Jacũ Dios ĩ rotiado bajiroti. ⁵Gãjerãre cũni ti mairũja manire. Ōmi, adi papera mure yũ cõarise, oca mame rotire meje ña. Jane mejejũti ñasũoyijũ iti. Iti oca mũ ăcabojabittoni mure gotia yũ. ⁶Diore mani maija ĩ rotiro bajiroti yirãji mani. Gãjerãre cũni ti maitĩñaja quena. Ito bajiro rotiĩni Dios. Jesure mũa masisũorajũti itire tũosũocũ mũa.

Rũori masa gaye

⁷Rũori masa jãjarã ñama adi macãrũcũrore. “Masũ rujũna meje rujeaĩni Jesús”, yama ĩna. Ito bajiro bũsirã rũorã ñama ĩnaõna. Ito yicõri Cristo wajana ñama ĩnaõna. ⁸Rũore jairãre queno ti masiña mũa. Jesure queno moa ĩsibojarãti ĩnajuare mũa tũo sũyaja, queno waja bũjamenaji mũa. Quenarisejũa riti yĩñaña mũa, “Dios tũjũ queno waja bũjana”, yirona.

⁹Cristo riasorise tũorũnũbicũ, Dios robo bajiro ʁsi cutibiquĩji ĩocũ. Cristo riasorise tũorũnũgũama, Dios robo bajiroti ʁsi cutiguĩji ĩocũ. Ito yicõri Dios ĩ Macũ robo bajiroti ʁsi cutiguĩji ĩ. ¹⁰Sīgũ mũa ya wijũ ĩ ejaja, Jesús riasoado bajiroti ĩ riasobeja, ĩre boca ămibeja. Ito yicõri ĩre senibeja. ¹¹ĩre mũa boca ămija ñeñaro ĩ yirise ĩre ejabuarã yirãji mũa.

San Juan ĩ gotisusare gaye

¹²Gaje oca jaje ñacõboja. Adi riti paperana mũare cõa yu. Mũa tu ware tũoĩa yũ mũa rãca busirocũ. Ito bajiri mũa tu yũ ejaja, queno wanũ quenarã yirãji mani.

¹³Mani ocabajio Dios ĩ besero rĩa cuni, “Quenajaro”, yi ñucama mũare. Itocõ ña.